

TUMELO

 . . . pina yela gape, *Dumela Feela*. “Dilo tšohle di a kgonega, dumela feela.”

² Gomme ga re ne fa se—se sekgoba sa madulo a go lekanela go ba le kereke ya rena ye nnyane. Gomme e dudiša feela e ka ba batho ba makgolo a mmalwa, ke a thanka, goba bontši gannyane. Gomme re maswabi gore batho ba swanetše go ema. Eupša, ke tla hlaganelia, thwi go tloga, le—le ditshwao tša ka di se kae tše ke swanetšeego go di dira. Gomme ke tla rapela gore Modimo o tla le fa tšohle tše le tlago fa go di bona, bosegong bjo, le go dira dipelo tša lena di tlatšwe ka botho bja Gagwe le kgaogelo ya Gagwe. Ka gore ka therešo ke a tseba gore yeo e tla ba thato Kgethwa ya Gagwe, go yona go ba bjalo.

³ Sa pele ke nyakago go se bolela, gore se tla hlologelwa bottelele go dikologa fa, go yeng ga Kgaetšedi Casey wa rena. Le ge a tšofetše, ke a nagana, tselia ka go masomeseswai a gagwe, gomme bjalo ka letšatsi ka morago ga letšatši go kgabola lehlwa le pula, bjalo ka ge a dirile tselia ya gagwe go kereke ya Modimo yo a phelago. Bošego bjo bongwe e be e le monyetla wo mogolo go ema kgauswi le lehlakore la malao a gagwe ge a be a eya. Gomme ka re, “A o a ntseba?” Gomme o . . . Ga ke tsebe ge eba o dirile goba aowa. Eupša ge ke rile, “A o tseba Jesu?” O dumetše ka hlogo ya gagwe, ee, gore o Mo tsebile. Ka gona ke be ke thabile go bitša bana ba gagwe, ditlogolwana tša gagwe, gomme, ke a dumela, ebole ditlogolokhukhu, go lehlakore la malao, le go re, “Yeo ke tselia go ya.”

⁴ Ka morago ga tšohle, re swanetše go ya. “Yohle e abetšwe motho gatee go hwa, gomme ka morago ga fao kahlolo.” Gomme ka gona Kgaetšedi wa rena Hall . . .

⁵ Ngwanešu William Hall, modiša wa kereke ya Milltown Baptist, e bego e le mosokologi wa Morena, ka go ye nngwe ya dikopano go se kgale, mengwaga e se mekae ya go feta, gomme o fodišitše ka kankere ye šoro. Ge dingaka di rile, bokaonekaone bjo bo ka hwetšwago ka go karolo ya gagwe ya naga, gomme ka gona ngaka ka New Albany o rile, “O a hwa.” Gomme o tlile godimo mo. Gomme mosadimogatša wa gagwe o . . . mpiditše, gomme o rile, “Ngwanešu Billy, a o ka tla go rapelela Will? O hwa ka kankere.” Gomme re ile tlase go mmona. Gomme kankere e be e le ya sebete, gomme e be e rurušitše sebete sa gagwe, gomme o be a fetogile serowlana gomme o be gabotse a idibetše. Gomme ke mmotšišitše ge eba o tshwenyega ge eba ke tla bitša ngaka mogwera wa ka fa ka toropongkgolo, go bolela le yena. Yoo e be e le Ngaka Sam Adair. Bontši bja lena le a mo tseba.

⁶ Gomme Ngaka Sam o rile, “Billy, go ne selo se tee feela go dira, seo ke go mo romela Louisville, go makgona tsoko wa go tuma wa kankere.” Gomme ba mo rometše godimo fale bakeng sa tlhahlobo. Gomme, nnete, ngaka godimo kua e be e ka se mmotše, kafao o biditše Ngaka Adair. Gomme Ngaka Adair a mpitša, gomme a re, “Billy, moreri mogwera wa gago o tla be a hwile ka matšatši a mane.” O rile, “O na le matšatši a mane gape go phela,” o rile, “gobane kankere e jele sebete sa gagwe.”

Ke rile, “Ngaka, a ga go selo o ka kgonago go mo direla?”

⁷ O rile, “Billy, re ka se kgone go ntšhetša sebete sa gagwe ntle, gomme yena a phela.” Gomme o rile, “Ge a le modiredi, o swanetše go itokiša go ya.”

Ke rile, “Seo, ke a dumela o sona.”

⁸ Kafao e be e le selo se sethata go nna go ya go botša mosadimogatša wa gagwe yo bohlokwa gore Ngwanešu Will Hall o tla be a hwile ka matšatši a mane. Lapa la Wright fa, le dutše fa, le ba lego dihlatse go yona, le bontši gape. Gomme moo... ke ile tlase le go botša Mdi. Hall, “Will tla be a hwile ka matšatšing a mane. Ngaka o re sebete sa gagwe se jelwe ntle ke kankere.” Kafao ke tla gae.

⁹ Gomme mosong wo o latelago... Batho ba bantši ba tla ntlong, le a tseba, gomme ke swanetše go tšwela ntle lebakana le lennyane feela. Ke sa tšwa go tšwa leetong le le bjalo, tlase ka Kentucky mo ke bego ke tsoma. Gomme ke be ke eya go tsoma dihlorana mosong woo. Ba fihlile ka gare ka pela, le go lebelela ntle, gomme go be go se motho mo mokitimong mo ntlong. Kafao ke—ke ile le go tšea kefa ya ka ya kgale le .22 raborolo, gomme ka thoma go ya ntle.

¹⁰ Gomme ke bone apola e lekeletše fale, e be e le a—a apola ya go lebega go šiišašiiši nkilego ka e bona. Ke naganne, “Meda o beile mohuta wola wa apola mo lebotong bakeng sa eng?” Ya go omeleta le go lewa ke seboko. Gomme ke lemogile gore e be e se ya lekelela mo lebotong. E be e le moyeng. Gomme ke khunamile fase ka kefa ya ka ya kgale le sethunya ka seatleng sa ka. Gomme ke bone apola ye nngwe, le apola ye nngwe, go fihla diapola tše tlhano di eme fao. Ka gona apola ye kgolo ye tona ka methalo ye mehubedu ka go yona, e tlide fase le go dira ditshepe tše tlhano tše kgolo, gomme ya no ripa diapola diripana le go di metša. Gomme ke naganne, “Ke eng se?”

¹¹ Gomme ka gona Morongwa wa Morena, seswantšho sa Gagwe le se bonago kua, o eme ka kamoreng gomme a re, “Eya o botše Ngwanešu Hall, O RIALO MORENA. Ga a ye go hwa. O bile go babja dikgwedi tše tlhano bjale, eupša mo matšatšing a mahlano o tla fola.”

¹² Ka pela, ke biditše Ngaka Adair, gomme ke rile, “O ya go phela.”

¹³ O rile, “Billy, a ka kgona bjang go phela le sebete sa gagwe se jelwe go yena?”

¹⁴ Ke rile, “Ga ke tsebe. Eupša Morena o nno re o ya go phela, gomme seo ke sohle ke se tsebago.” Gomme o a phela lehono.

¹⁵ Gomme mosadimogatša wa gagwe, ke a thank a ba masomešupa tlhano goba masomeseswai a mengwaga bogolo, o ngwegetše ntle go ba le Morena, matšatši a se makae a go feta, ge ke be ke sa le tlase ka Kentucky. Modimo a khutšiše soulo ya gagwe, le Kgaetšedi Casey, le yena. Bobedi ba bile ka kerekeng ye le go kopanela le rena.

¹⁶ Monna yo mongwe le yo mongwe, ga go kgathale o moswa bjang goba o tšofetše bjang, goba o fodile bjang, go ne letšatši le lengwe gore bohle re ya go kopana le Modimo. Re ka kgona go lokišetša seo.

¹⁷ Bjale, bošegong bjo, ke . . . feelsa ditshwao di se kae go tšwa go Lentšu la Modimo la Gosafelego le go šegofala. Gomme ke tla rata go bala feelsa karolo ya Lona mo, e hwetšwago ka go Puku ya Mokgethwa Mareka, ka go tema ya 11 ya Mokgethwa Mareka. Ke nyaka go bolela ka *Tumelo*, feelsa dinakwana di se kae, gobane bontši bja lena le eme, maoto a lena a tla be a dutlelane. Ke nyaka go thoma go temana ya 20. Ke nyaka go e bala go tšwa go pukuntšu ya setlogo ya Segerike.

Gomme mosong, ge ba feta kgauswi, ba bone mohlare wa mogo o omeletše go tloga medung.

Gomme Petro a gopola o rile go yena, Mong, bona, mohlare wa mogo wo o o rogakilego o omeletše.

. . . Jesu a fetola o rile go bona, Ebang le tumelo go Modimo.

Gobane ruri Ke re go lena, Gore mang le mang a tla rego go thaba ye, Eba . . . tlošwa, gomme . . . lahlelwa ka lewatleng; gomme a se belaale ka pelong ya gagwe, eupša . . . a dumela gore dilo tšela tše a di boletšego di tla direga; o tla ba le eng kapa eng a e boletšego.

¹⁸ A tshepišo ye e šegofetšego! “Tumelo ka go Modimo!” Ke selo sa go thekesela go batho ba bantši. Gomme, go le bjalo, re swanetše go lewa ke dihlong ka borena, go bolela gore ga re na le tumelo ka go Modimo.

¹⁹ Sa pele, go na le mafšega a a hwago dikete tše lesome tša lehu, ge ba sa le mo lefaseng, gomme mogale ga a tsoge a hwa. Dikelello tša gagwe di sepelela pele bakeng sa mediro ya gagwe ye megolo ya bogale.

²⁰ Gomme, ka mehla, batho ba ba nago le tumelo ke batho ba ba nago le boitemogelo. Boitemogelo bo tliša tumelo. Ke nagana ke ka lebaka leo Beibebe e re rutago . . .

²¹ Jesu o rile, ka go Mokgethwa Johane tema ya 3, “Ntle le ge motho a tswalwa gape, a ka se kgone go kwešiša mmušo wa Modimo.” Bjale, yeo e tsopola go tloga go setlogo. Ka go—go King James, E rile, “Ga a kgone *go bona*.” Eupša lentšu ga le re “*go bona*,” go swana le ge o lebelela ka mahlo a gago. Le ra go kwešiša. O ka se kgone go bona mmušo, go le bjalo. O swanetše go o kwešiša. Gomme Jesu o rile, “Ntle le ge motho a tswalwa gape, pele, o tla . . . a ka se kgone go kwešiša mmušo wa Modimo.” Kafao ke . . .

²² Go a re swanela go ba le boitemogelo pele tumelo e ka tsoge ya kgona go fihlelela bontši kudu. Kagona, batho ba swanetše go phološwa pele . . . sa pele, ba tla go Modimo le go ba le boitemogelo bja phološo, pele ba batamela Modimo bakeng sa phodišo ya bona. E swanetše . . . E tla—e tla šoma matete, ge feela o ka no e dumela.

²³ Bjale hlokamelang, makga a mantši, ka Mangwalong. Re tsea tiragalo ya kgale ya go tsebalega ya Israele, ge ba be ba le bothateng. Gomme go bile le ntwa e phulegilego magareng ga Israele le Bafilisita, gomme Israele e be e kgobokane bonabeng godimo ka lehlakoreng la thaba. Gomme ntwa ya bewa ka lenaneo, eupša ga go motho yo a bego a kgona go ya ntweng, gobane, godimo ka go lehlakore le lengwe la thaba, lenaba le bile le mohlohli yo mogolo.

²⁴ Gomme bjalo ka ge go bile nakong yela, go bjalo le bjale, gore, ge batho ba Modimo ba thoma go ya go dira se sengwe, lenaba ka mehla le na le mohlohli; go hlohla wena ka sona.

²⁵ Gomme ye kgolo ye, go nyakile go ba ya pele ga histori, tšitširipa e be e eme kua ka menwana ya diintšhi tše lesomenne godimo ga gagwe. Gomme lerumo ka seatleng sa gagwe, bogolo bja nalete ya mologi. O hlohlile monna yo mongwe le yo mongwe wa Israele go tla lwa le yena.

²⁶ Yeo ke tsela ye lenaba le dirago, ge a nagana o na le monyetla wo mokaone. A ka se tsoge a e dira ge a bona tumelo ya go fenza. Eupša o tla e dira feela ge a tseba o go dirile o hunyele fase. Moo ke ge Kereke e sa kgone go šutha, ke ge a na le nalete ya moroki godimo ga lena.

²⁷ Eupša, ge, ka go madira a Baisraele, Saulo, mohlabani yo mogolo . . . Ge go be go le monna e ka ba mang ka go sešole ka moka yo a bego a ne bokgoni kudu go ka kgona go ya go lwa le tšitširipa ye, e be e le Saulo. Sa pele, o be a le mohlabani yo a hlahlilwego gabotse. O be a tseba meragelo yohle, mokgwa wa go thinyetša marumo, le mokgwa wa go ba rapalatša ka kotse ya gagwe. Gomme ka godimo ga fao, o be a le hlogo le magetla ka godimo ga monna mang kapa mang ka sešoleng sa gagwe. O be a le maswanedi kudu nameng go emelana, gomme o be a le mohlahli wa banna.

²⁸ Eupša bjalo ka ge go bile ka Saulo, ka matšatšing ao, re hwetša selo sa go swana se phela lehono, magareng ga batho ba ba yago kerekeng. Ba bangwe ba bona ba e lego dirutegi tše kaonekaone tša go katišwa, ba ne tumelo ye nnyane ka go Modimo, nako ye nngwe. Ba ne diPh.D le diD.D., gomme ba leka go e hlaloša . . . Goba, go leka go ya kgole go tloga go yona ntlha ya go lebana le Lentšu la Modimo, ba leka go le hlalošetša kgole, ka tsela ye nngwe. Gomme ke therešo. Dithuto tša rena tšohle, tlhahlo ya rena yohle, ga se ya ke ya re bea leemong go kopana le lenaba. Go tsea tumelo ka go Modimo, go dira seo, gomme yeo e nnoši. Eupša ge re ela hloko, ge tšitsiripa ye e be e dira boikgantšho bjo bogolo bja gagwe. Gomme moithutamodimo yo mogolo yo, bjalo ka ge go tla ba, a ema fale, a katišitšwe gabotse go tseba mokgwa wa go lwa, eupša o be a se a ke a ba le boitemogelo e ka ba bofe le Modimo.

²⁹ Gomme kwelobohloko ye bjalo, lehono, go bona banna le basadi, ba ba phetšego ka kerekeng, ba godišeditšwe ka tharing ye, le go tseba Beibebe gabotse, eupša go le bjalo ga se ba ke ba hlatsela boitemogelo le Modimo. Se re se hlokago ke go boela morago go boitemogelo bja kgonthe bja go kwewa ka pelo, go tseba yo o nago le tumelo ka go yena. E sego dingwalwa tše dingwe, eupša wa therešo le Modimo yo a phelago Yo a phelago bjale.

³⁰ Gomme kua ka bogareng bja yeo, moragorago godimo, ka morago ga mašemo, Modimo o be a na le mošemaneyo monnyane yo mohubedu, ka leina la Dafida. O be a hlokomela dinku tša tatagwe—tate. Gomme ge a be a sa hlokomela dinku tša gagwe, o be a ne boitemogelo tsoko. Gomme e be e le tatagwe yo a mo rometšego go madira, go išetša banababo dikuku tše dingwe tša mogo le dikuku tša diterebe. Gomme ge a be a sa le godimo kua, o bone tšitsiripa ye kgolo ye e etla ntle le go dira ye kgolo ye, go ikgantšha ka bophara.

³¹ Bjale, Dafida yo monnyane o be a sa lekanelle le gannyane. Sa pele, o be a no ba moisa yo moswa. Gomme selo sa go latela, o be a le moisa yo *mohubedu*, go rago o be a le “motšukutšukwana wo monnyane,” bjalo ka ge re ka e bitša. Gomme o be a se a lekanelle le gatee. O be a se a ke a ba le tšhoša ka seatleng sa gagwe, mohlomongwe o be a se a ke a topa kotse, ka bophelong bja gagwe. O be a sa tsebe selo ka tlhahlo ya sešole.

³² Eupša go selo se tee a bego a se tseba. O tsebile Modimo wa gagwe. Seo ke kgwekgwe ya selo. O tsebile o be a dumetše Mang. Gomme kafao ge tšitsiripa e dirile tlhohlo ya gagwe, Dafida o tsebile selo se sengwe: se se lokilego le sa phošo.

³³ Dinako tše dingwe, rena ba re yago kerekeng, ga re bonale le gannyane re ne bohlale bja semoya go tseba phapano. Ge re dira, ga re dire phapano e ka ba efe.

³⁴ Eupša o tsebile se se bego se lokile le se se bego se fošagetše. O tsebile e be e le phošo go Mofilisita yola go roga madira a Modimo yo a phelago. Kafao o boletše mantšu a, “A le ra go mpotša, gore le tla dumelela lešoboro lela la Mofilisita go ema fale le go nyatša madira a Modimo yo a phelago?” A tsholo go sesole se se hlahlilwego!

³⁵ A tsholo e lego yona, lehono, go mosadi tsoko yo monnyane wa go hlatswa, mohlomongwe, yo a sa tsebego boABC ba gagwe, eupša a ka kgonago go ema ka sefahlegong sa monna wa moruti yo a hlahlilwego gabotse yo a rego matšatši a mehlolo a fetile, le go nyatša mantšu a gagwe, ka go re, “Nkile ka golofala, goba go babja, gomme bjale ke fodile.” A ka no se tsebe tšohle ka gare le ka ntle ga thutamodimo, eupša o tseba Modimo. Morago ga tšohle, seo ke se se nyakegago.

³⁶ Gomme fale Dafida yo monnyane yo yo mohubedu, feela moswa ka jase ya gagwe ye nnyane ya dinku e tateditšwe go mo dikologa, o sepeletše godimo ka go sefahlego sa baisa bale le go ba dira ba lewe ke hlong bonabeng. Gomme o rile, “Le eme kua, sesole se se katišitšwego sa Modimo yo a phelago, gomme le tlogela Mofilisita yola a roga madira a Modimo.” O rile, “Ke tla ya go lwa le yena, nnamong.” Oo, ke rata moyo wola wa sebete ka go Dafida.

³⁷ Gomme Saulo o lekile go mo ruta, le go mmea godimo ga paki ya kereke, eupša ga se e mo lekane. O rile, “Tlošang selo se go nna, ga ke tsebe mokgwa wa go re ‘aa-men’ ka tsela ye le dirago. Gomme ešita ga ke tsebe thutabomodimo ya lena. A ke ye le seo ke bilego le boitemogelo ka sona.”

³⁸ Oo, moisa o rile go nna nako ye nngwe ya go feta. O rile, “Ngwanešu Branham, theroyagago ke ya lefeela, ka gore ga go selo se sebjalo bjalo ka phodišo Kgethwa.”

³⁹ Ke rile, “Se ke selo se tee, ngwanešu. O no be o se moo re sepetšego. Ke phetho. Ka gore o no ba thari kudu go re botša bjale. Re šetše re e hweditše le go e hlatsela, go dikologa lefase, tsošeletšo ye kgolo ya go tšhollelwa ntle ga Moya wo Mokgethwa, go tliša pele maswao le dimaka, go phethagatša Lentšu la Modimo ka go letšatši le la mafelelo.”

⁴⁰ Gomme moisa yo monnyane yo o tšereigrata tše tša kgale go tloga go yena, o sepeletše ntle fale, gomme o rile, “Lebelelang fa, fa ke gobaneng ke eya godimo. Ke tseba Yo ke mo dumetšego.”

⁴¹ Saulo o be a sa tsebe selo ka seo, le ge a ile kerekeng sabatha ye nngwe le ye nngwe. Gomme a ka no ba a dirile dilo tšohle tša bodumedi tseo ka moka ga bona ba di dirilego, eupša o be a se a ke a ba le boitemogelo.

⁴² Gomme go diregile eng? Dafida o rile, “Ge ke be ke dišitše dinku tša tate wa ka, ntle kua ge ke be ke sepela go theoga go kgabola mafulo a matala, le kgaušwi le meetse a makhutšo, ke ithutile ka Modimo yo a dirilego magodimo le lefase. Gomme

ke be ke na le boikarabelo ka dinku di se kae tša papa wa ka. Gomme bera ya kitimela ka gare gomme ya swara e tee, gomme ka e bolaya. Gomme tau ya kitimela ka gare gomme ya swara kwana, gomme ya tloga, gomme ka e rathela fase ka seragamabje sa ka. Gomme ge e emeletše, ke mo swere ka ditedu gomme ka mmolaya.” O rile, “Modimo yo a gafetšego bera le tau, ke bontši gakaakang A tla gafelago lešoboro lela la Mofilisita ka diatleng tša ka.” Ka kgonthe, o tsebile se a bego a bolela ka sona. O bile le tumelo go Modimo. O be a bile le boitemogelo, go bona se Modimo a bego a tla se dira, ka fao o tsebile gore boitemogelo bo be bo tla mo rwalela pele go ya go phenyo.

⁴³ Oo, mengwaga moragwana, ge a eba kgoši ya Israele. Ga go pelaelo gore o bile kgoši, go mohlabani yo mobjalo ka yoo. Ge a eba kgoši, o bile le kgopololo, “A nke ke age ngwako wa Morena.” Gomme ge moprofeta Nathane, bošegong bjoo, o mo ntšheditše ntle gomme o be a bolela le yena.

⁴⁴ Morena o bonagetše go Nathane. O rile, “Eya o botše mohlanka wa Ka, Dafida, Ke a tseba o be a no ba selo se sennyane se sebotsana. Ke a tseba o be a apere jase ya dinku. Eupša Ke mo tšere go tloga go lešaka lela la dinku, le go mo dira mmuši godimo ga batho ba Ka, le go mo fa leina boka banna ba bagolo ka lefaseng le.” Ka fao Modimo a bonego tlhokofalo yela ya tumelo go Mo dumela, godimo ga boitemogelo gore O be a le Modimo yo a phelago.

⁴⁵ Go be go le ye nnyane bjang go Abraham, morago ga ge a kgotleletše bjalo ka go bona Yena Yo a bego a sa bonale. Ka fao, morago ga ge a kopane le Modimo, gomme a bile le boitemogelo bja go bolela sefahlego ka sefahlego le Modimo, gore o kgonne go bitša dilo tše di bego di se gona, mo o ka rego di be di le gona. Ka gore, o be a na le boitemogelo. O be a boletše le Modimo, sefahlego ka sefahlego. Seo ke se re se hlokago, ke boitemogelo bja sebele le Modimo yo a phelago.

⁴⁶ Ka fao Moshe, ka morago ga go ba le mengwaga ye masomenne ya tlhahlo ya bodumedi ka mmagwe, ka fao a bilego le mengwaga ye masomenne ya maatla a sešole ka diatleng tša gagwe, ya ka fao a ka hwiphinyago setšhaba, ka fao a ka fenyago, gomme go tšere Modimo mengwaga ye masomenne go e tloša go yena. Eupša gatee ntle kua ka lešokeng a nnoši, letšatši le lengwe, o tlie sefahlego ka sefahlego le Modimo, ka sethokgweng se se tukago. Gomme o be a hlamilwe bokaonana, mo metsotsong ye mehlano, ka morago ga ge a boletše le Modimo, go feta mengwaga ye masomeseswai ya go tsena sekolo e dirilego e ka ba eng go yena. O be a le lefseg, a ehwa mahu a sekete. Gomme ka morago ga go kopana le Modimo, o ile a duma gore o be a na le maphelo a sekete go hwa, bakeng sa Kriste. O be a loketše go ya. Fao go be go se selo se bego se ka kgona go mo emiša, le ge a be a se na le madira, le ge thuto ya gagwe e be e se ya loka go yena. O be a sa kgone go lwa; o be a se ne ditšhoša. O be a se ne bahlabani

ba ba itšego, dikoloi tše di itšego go mo thekga, bokgole bjo lefase le tsebilego. Eupša o be a tlide sefahlego ka sefahlego le Modimo, ka boitemogelo, yo a bilego le Barongwa ba ba itlhamilego ba Bokagosafelego bjohle go ema ka morago ga gagwe. Gomme ge Moshe a be a eya tsela ya gagwe, tlase le mosadimogatša wa gagwe, a nametše mmoula wo monnyane wa kgale, le maledu a matelele a lekeletše fase, ke a dumela gore dikete tše lesome atiša ka dikete tše lesome tša Barongwa di tokologile go bapa, tlase ga ditsela tsela tša lerole le yena. O bile le boitemogelo.

⁴⁷ E be e le tlase ka Dothane, nako ye nngwe, ge moisa yo moswa, mo—mo mohlanka wa moprefeta, gomme o ile tlase le yena ka Dothane. Gomme ge moprefeta a robetše, sešole se segolo sa Basiria se tlide le go ba dikologa, se kampile go dikologa maboto a magolo a Dothane. Gomme ge a tsogile, mosong wo o latelago... O be a se a ke a ba le boitemogelo. O rile go... bjalo ka ge a bone madira a magolo, a nyaka Eliya, o rile, “Oo, tate wa ka, madira ka moka a kgobokane le go dikanetša fa. Ba nyaka wena.”

⁴⁸ Ga se e šišinye moprefeta yola wa kgale, nthatana e tee. E ka no ba e be e le kankere, e ka no ba e be e le bolwetši bja mafahla, e ka no ba e be e le strouku, eupša ga se sa šišinya moprefeta yola. O mo lebeletše, gomme o rile, “Morwa, go ne bontši le rena go feta go ne bona.”

O rile, “Ke kgona feela go bona wena le nna.”

⁴⁹ O rile, “Bula mahlo a gagwe, Modimo, gore a kgone go bona. Mo fe boitemogelo.” Gomme ge mahlo a gagwe a bulegile, o lebeletše, gomme dithaba ka moka di be di tletshe dikoloi, le mollo, le dipere tša mollo, go dikologa moprefeta yola wa mokgethwa wa kgale. O bile le boitemogelo. Go be go se sa na pelaelo ka monaganong wa gagwe nako yeo.

⁵⁰ E be e le Simisone ka lerapo la mohlagare wa mmoula, yo a bolailego sekete sa Bafilisita, gobane o bile le boitemogelo, gore o tswetšwe gape. O bile le boitemogelo, gore o be a le Monasare, gomme Modimo wa Legodimo o be a ne yena.

⁵¹ E be e le Filipi yo a bonego Jesu, ka maitemogelo a pele, yo a ilego gomme a hwetša Nathaniele tikologong ka morago ga thaba. Gomme o rile, “Etla, bona Yo re mo hweditšego, Jesu wa Natsaretha, morwa wa Josefa.”

⁵² Gomme monna, go beng Orthodox kudu, o rile, “Bjale, a go ka ba le selo se itšego se sebotse go tšwa Natsaretha?”

⁵³ O rile, “Etla gomme o bone.” Gobaneng? O be a ne Jesu. O tsebile gore go be go le se sengwe ka Monna, seo se bego se feta go emelana le e ka ba eng diabolo a ka kgonago go e tsoša. Oo, theetšang sekgauswi.

⁵⁴ Gomme ge ba eya go dikologa thaba, Filipi o thoma go bolela, gomme Nathaniele o bolela le yena. Gomme o rile go yena,

“Bjale, ge o fihla kua . . . ke Mmone. Ge Petro a etla godimo, gomme ga se A ke ebile (le neng) a bona Petro, ka bophelong bjohle bja Gagwe. Eupša ge a fihla kua, O rile, ‘Leina la gago o Simone, gomme o morwa wa Jona.’ O tsebile leina la gagwe, gomme o tsebile papagwe e be e le mang.” Oo, o be a sa kgone go dumela seo. Eupša Filipi o kile a ba le Yena, kafao o tsebile go mo phegelela, ka fao go bego go ka kgona go ba, ka fao A e dirilego.

⁵⁵ Kafao ge a sepeletše godimo ka Bogoneng bja Jesu wa Natsaretha, o tlide nako yeo go dumela. Ka gona ge A mo lebeletše, O rile go yena; O rile, “Bonang Moisraele yo ka go yena go sego bomenetša.”

Gomme o rile go Yena, “O ntsebile neng, Rabi?”

⁵⁶ Gomme O rile, “Pele Filipi a go bitša, ge o be o le ka tlase ga mohlare, Ke go bone.”

Bjale, go mo makaditše. “O kgonne bjang go e dira?”

⁵⁷ Eupša, Filipi o tsebile seo, go phegelela Nathaniele, gore e kgone go dirwa, ka gobane o bile le boitemogelo bja go beng le Jesu.

⁵⁸ Le a tseba, go na le se sengwe ka go beng le Jesu, go go fa boitemogelo. Go beng tikologong moo A lego, o šeditše mošomo wa Gagwe, gomme gona seo se go fa tumelo. Ge o na le boitemogelo, bo fa tumelo. Tumelo e ya ka boitemogelo bja gago.

⁵⁹ Bjale hlokamelang se, bjale, ge a etla godimo, gabotse, re kgona go ba bona ge ba thoma go boledišana seng ge ba sepelela godimo. Gomme A thoma go mmotša se se bego se direga, le gore o be a le mang le mo a tšwago gona, le tšohle ka yona. Gomme ka gona ka pela ge a hweditše boitemogelo . . . Oo, a go šegofatšwe Leina la Morena! Ge a hweditše boitemogelo, gore mohlolo wa Modimo o dirilwe go yena, nako yeo o kgonne go wela maotong a Gagwe, gomme a re, “Rabi, Wena o Morwa wa Modimo yo a phelago. Wena o Kgoši ya Israele.” Eupša sa pele o be a swanetše go e bona e dirwa. O be a ka kgona go ba le tumelo ka go Modimo, morago ga ge Modimo a iponagaditše ka Boyena. Yeo ke tsela ye Modimo a dirago.

⁶⁰ Mosadi yo Ngwanešu Neville a bego a bala ka yena, bošegong bjo, ka Beibeleng, o be a dutše sedibeng, goba a ega meetse a gagwe go tšwa sedibeng. O be a le Mosamarria. O be a rutilwe gore go be go etla Mesia yo a bego a tla dira maswao a magolo le dimaka. O be a tseba gannyane ka yona. Gomme ge ba karabetša kgamelo ka sedibeng, go ga meetse, Jesu o rile, “Ntlišetše seno.”

⁶¹ Gomme o rile, “Gobaneng, ga O ne selo go ga ka sona. Gomme gobaneng O ka nkgopela seno? O a bona gore O . . . Mo Mosamarria, pele, ga re na tirišano le rena seng.”

⁶² Le go ya pele, poledišano e ile pele. Pele le pele, sese se se diregilego, O hweditše moo bothata bja gagwe bo bego bo le

gona. Elelwang, sa pele o tlie ntle kua go Mo swaswalatša, bjalo ka Mojuda. Eupša O rile, "Sepela, hwetša monnamogatša wa gago gomme le tle mo."

O rile, "Ga ke na monnamogatša yo itšego."

⁶³ O rile, "Yeo ke nneta. O bile ba bahlano, gomme yo o nago yena bjale ga se monnamogatša wa gago."

⁶⁴ Gomme ka pela, ka pela ge seo se diregile, o be a gakanegile ka monaganong wa gagwe. Elelwang, o be a ile go ya go tonya, kereke ye female. O be a sa tsebe a dire eng. O rile, "Gabotse, bjale, Mohlomphegi, ke a bona gore O moprofeta. Gore, re a tseba ge Mesia a etla, gore O tla re botša dilo tše."

⁶⁵ O rile, "Ke nna Yena yoo a boleLAGO le wena." Oo, a boitemogelo! "Ke nna Yena yoo a boleLAGO le wena."

⁶⁶ Gomme o boletše eng? O kitimetše ka toropongkgolo, ka boitemogelo bjo a bo hlatssetšego, gore Jesu o be a le Morwa wa Modimo yo a phelago. Gobaneng? O be a bone maatla a šoma ka go Yena, ao a dirilego mohlolo, ao a mmoditšego o be a le mang, le moo sebe sa gagwe se bego se le gona, le moo bothata bja gagwe bo bego bo le gona. Kagona, o kgonne go kitima le go re, "Ka therešo, yoo ke Morwa wa Modimo. Etlang, bonang Monna yo a mpoditšego dilo tše ke di dirilego. A yo ga se yena Mesia?"

⁶⁷ Bjale hlokamelang gape. Mo dinakwaneng di se kae... Ba bile le mosadi yoo a bilego le taba ya madi. O llile, le go leka se sengwe le se sengwe go dira, go fola; ga se a kgona go e dira. O pinyeeditše go kgabola lešaba gomme o kgwathile morumo wa kobo ya Gagwe, ka gore o dumetše. Bjale eng? "Tumelo e tla ka go kwa, go kwa Lentšu la Modimo." O pinyeeditše go kgabola, ka gore tumelo e tla ka go kwa. O kgwathile kobo ya Gagwe. Gomme o rile, "Seo se a nkgotsofatša. Ke Mo kgwathile." Gomme o boela morago ka lešabeng, a dumela ka pelong ya gagwe gore se sengwe se tla direga. Oo, ge batho lehono ba ka kgona feela go hwetša seo, ba dumela!

⁶⁸ Gomme ge go diragetše, Jesu o retologile gomme o rile, "Ke mang a Nkgwathilego?"

⁶⁹ Gomme Petro o rile, "Bohle ba bona ba a Go kgwatha. Gobaneng O re, 'Ke mang a Nkgwathilego?'"

⁷⁰ O rile, "Eupša ke fokotše. Ke fokola kudu! Bokwala, maatla a tlogile go Nna. Ke a fokola."

Gomme o rile, "Gabotse, O tsebile seo bjang?"

⁷¹ Gomme A lebelela go dikologa, godimo ga lešaba. A gopolal gore o be a iphihlile. O be a le morago ntle kua, a iphihlile ka lešabeng. Gomme ge Jesu a retologile le go mo lebelela, O mmoditše se bothata bja gagwe bo bego bo le, le gore o be a fodišitšwe. Gomme ka gona e be e le, gore o be a ka kgona go wela fase maotong a Gagwe gomme a bolela dilo tšohle. Ka morago ga ge a bile le boitemogelo bja maatla a magolo a bohlokwa

a Gagwe, go utolla go yena gore o kgwathile seaparo, e sego feela sa Gagwe, eupša sa Yena yoo a phelago neng le neng, Ramaatlakamoka Modimo. Ka kgonthe, go bile.

⁷² Bjale, e be e le batho ka Letšatši la Pentecost, ba ba bego ba le bofšega, gomme ba be ba le ka kamoreng ya godimodimo. Mabati a be a tswaletšwe ohle. Ba be ba boifa Bajuda. Eupša ge Modimo a tlile, ka sebopego sa Moya wo Mokgethwa, le go kolobetša yo mongwe le yo mongwe wa sehlopha sela, ka kolobetšo ya Moya wo Mokgethwa le Mollo, e bile nako yeo ba kgonnego go ya mokgotheng. Gomme monna yola yo a roganego ka Bogoneng bja Jesu, matsatši a se makae pele, o kgonne go re, “Lena banna ba Judea, le lena ba le dulago ka Jerusalema, a nke se se tsebjie go lena, gomme ekwang mantšu a ka, Ba ga se ba tagwa bjalo ka ge le nagana, go boneng ke iri ya boraro ya letšatši, eupša se ke se se boletšwego ke moprofeta Joele.” Ka nnete, morago ga ge a bile le boitemogelo! Pele a eba le boitemogelo, o bile le tumelo go bo dumela; eupša ka morago ga ge boitemogelo bo tlile, boitemogelo bo tlišitše dipoelo. Nnete, bo dirile.

⁷³ Bjale, batho bale bao Jesu a boletšego le bona, fale, ka ga mohlare. Bjale hlokamelang, feela nakwana bjale, ge re tswalela. Ge A be a etla go...go tšwa tempeleng letšatši le lengwe. O kitimela tlase mohlareng, go hwetša ge eba ba ka hwetša se sengwe go ja, mo mohlareng wo. Go be go se selo fale, gobane nako ya mago e be e sešo ya ba. Gomme ga se A kgone go hwetša selo, kafao O rile go mohlare, “Ga go motho a jago go tšwa go wena, go tloga bjale go ya pele. Ga go yo a jago.” Gomme letšatši la go latela...

⁷⁴ Ga se ba ke ba bona phapano ye e itšego ka mohlareng, thwi nako yeo. Ga se ya ke e laetša dipoelo tše di itšego, dipoelo tše di itšego tša mmele. Bjale fa ke moo ke nyakago le e hwetša. Ga se e bontšhe dipoelo. Eupša O boletše eng? “Ga go motho a jago go tšwa go wena.”

⁷⁵ Gomme ka go diiri tše masomepedi nne, e ka ba ka sekgalela letšatši la go latela, ba fetile hleng le mohlare wa go swana. Gomme ka kua, ba etše hloko gore mohlare o thomile go pona. Gomme Petro o rile, “Bona mohlare wo O o rogakilego, o šetše o ponne go tloga medung.”

⁷⁶ Bjale, šetšang se Jesu a se boletšego bjale, ge re tswalela. “Ebang le tumelo ka go Modimo.” Eng? O ba laeditše maatla a Gagwe, pele. O A bontšhitše go mohlare wa mogo, se A kgonnego go se dira. Gobane, ge A kgopetše Tate e ka ba eng, O dumetše gore O amogela se A se kgopetše. Ka gona O ba boditše, “O na le tumelo ka go Modimo. Ka gore Ke re go lena, ge o ka re go thaba ye, ‘Šuthišwa, gomme o phagamišetšwe godimo gomme o lahlelwe ka lewatleng,’ gomme o se dikadike ka pelong ya gago, eupša wa dumela gore dilo tše o di bolelago di tla go phethega, o tla ba le se o se bolelago.” A le a e hwetša? Yona še ka go pukuntšu

ya setlogo ya Segerike, le a bona. “Dumela gore se o se bolelago se tla tla go phethega, o ka kgona go ba le se o se bolelago. Eba le tumelo ka go Modimo. Dumela gore se o se kgopelago, o a se amogela, dumela se šetše se diregile, gomme o ka ba le se o se bolelago.”

⁷⁷ Bjale, e ka ba “thaba” e šuthišwa. Mohlomongwe thoro e tee ye nnyane ya lešabašaba e thoma go sepela, eupša, go le bjalo, ka mahlong a Modimo, e be e šetše e diregile. Ge o ka dumela, bošegong bjo, gore, ga go kgathale se e lego phošo ka wena, ge o ka dumela ge o kgopela Modimo, gore o hwetše se o se bolelago, o ka ba le se o se bolelago. Eba le tumelo go Modimo.

⁷⁸ Eupša, sa pele, Modimo o swanetše go netefatša Yenamong go lena, gore O—O sa le Morena Modimo wa go swana. O sa le Jehofa wa go swana yo maatla. Bjale, Jesu o rile, “Dilo tše Ke di dirago, le tla di dira le lena.”

⁷⁹ Bjale, go lena mo, bošegong bjo, ka tabarenekeleng, ge re sa thoma go ba le mothalo wa thapelo, ke ba bakae ba lena ba tla bolelago se: “Ge nka kgona go bona Jesu Kriste a dira mehlolo ya go swana, le go dira selo sa go swana A se dirilego ge A be a le mo lefaseng, nna, ka pelong ya ka, ke tla amogela Modimo, le go dumela gore e ka ba eng e lego phošo ka nna, go tla direga, ka pela ge ke kgopela Modimo”? A le tla e dumela? A o ka phagamiša seatla sa gago? E re, “Modimo, ke tla dumela ka tšohle . . .” Ga go kgathale se e lego.

⁸⁰ Bjale, ga go yo motee a ka kgonago go fodiša. Phodišo ke setšweletšwa se se fedilego sa Modimo. Ge motho e ka ba mang a go botša gore a ka kgona go go fodiša, ge a le ngaka gomme a ka kgona go go botša a ka kgona go go fodiša, o phošo. Ka gore, go na le mofodiši yo motee feela, yoo ke Modimo. Ngaka e ka kgona go fa sehlare. A ka kgona go bea sehlare ka go ntho, go bolaya twatši ka go yona, gore e loke. Na go direga eng? Sehlare ga se fodiše. Sehlare se no ntšhetša ditwatši tše mpe ntle, se bolaya ditwatši tše mpe tše di bolayago ditwatši tše botse, tše di go bolayago. Ka fao, saense e ſoma godimo ga mpholo ya go fapano yeo ba e beago ka tshepediſong ya gago, go tšhela twatši ye e itšego mpholo, wo o ka se go tšhelelego mpholo. Seo ke se saense e se dirago. Seo ke se sehlare se lego, ke se sengwe seo se tla bolayago twatši ye e itšego, gomme se ka se go bolaye. Dibolayaditwatši di bolaya bobedi, go bokgole bjo bogolo gagolo, kafao kagona ba . . . Ke ka baka leo di lego bothata go tše, boka phenisilini, dinako tše dingwe e bolaya motho.

⁸¹ Bjale, ngaka e ka kgona go šuthiša sešitiši. A ka kgona go bea lerapo mmogo, eupša a ka se kgone go fodiša. Modimo ke Yena yo a dirago phodišo. Modimo o tšweletša khalesiamo. Modimo o tšweletša go—go ata ga disele, go aga mmele wa gago morago, moo ba tlošitšego lelanalenyane goba se sengwe boka seo. Modimo ke mofodiši a nnoši.

⁸² Bjale, Jesu o tshepišitše gore O tla re fodiša. “Ge le ka kgopela e ka ba eng Leineng la Ka, Ke tla e dira. Ge le rapela, dumelang gore le amogela se le se kgopelago, le tla ba le sona.” Ke sa gago. Dumela gore e tla go phethega bjale.

⁸³ Bjale, ge A pealaditše maatla a Gagwe a magolo lefaseng, bjale, ga se A fodiša batho go fihlela Tate a Mmontšhitše pele se a tla se dirago. Mokgethwa Johane 5:19. O rile, “Ge o ka kgona go dumela, dilo tšohle di a kgonega.” Gomme ka gona ka go Mokgethwa Johane 5:19, O rile, “Ga Ke dire selo go fihla Ke bona Tate a e dira pele. E ka ba eng Tate a Mpontšhago, seo Morwa o se dira go swana.” Ke ba bakae ba tsebago Beibele e bolela seo? A le kile la bala seo ka Beibeleng? Ka kgonthe.

⁸⁴ Bjale, ge A dirile seo, leetong la Gagwe mo lefaseng, O e dirile ka toropongkgolo e tee; ba Mo dumetše. Ba fodišitše, dikete. A ya go toropokgolo ye nngwe, a e dira; ba a dumela. O ya toropongkgolo ya Gagwe Mong, legae la Gagwe Mong; gomme ge A thoma go e dira, ba rile, “Ke mang Monna yo? O hweditše kae bohlale bjo? O tseba bjang mokgwa wa go dira dilo tše? Re a Mo tseba.” Gomme Beibele e boletše, gore, “Mediro ye mentši ye maatla ga se A kgone go e dira, ka lebaka la gosedumele ga bona. Mediro ye mentši ye maatla ga se A kgone go e dira.”

⁸⁵ Bjale, ke a rapela, ge go na le modiradibe fa, bošegong bjo, gore ge o bona, ge A ka e dira. Ye ke toropo legae ya ka, gomme le ke lefelo le lethatahata kudu nkilego ka le lwantšha ka bophelong bja ka. Ke bile le Makgothu ka Afrika. Ke bile ka India le boramaletlane le se sengwe le se sengwe gape, gomme ke hlohlilwe ke dingakabaloi tša bona le go ya pele. Gomme ga se ka ke ka tsoge ka swanelo go katana go hwetša Moya wa Modimo go šoma, boka ke na le ka toropong ya gae ya ka mong. Yeo ke nnete tlwa. E sego gobane batho ga ba nthate; gobane, Beibele ke therešo. “Ruri, ruri, Ke re go lena, gore moprofeta ka nageng ya gabon mong, o nageng ya gabon mong, ga a hloke tlhompho, ntle le ge e le ka lefelong leo.” E swanetše go ba ka tsela yeo.

Bjale a re inamišeng dihlogo tša rena feela nakwana ge re rapela.

⁸⁶ O Morena wa go šegofala, Yo a dirilego magodimo le lefase, o a hlotšego ka seatla sa Gago Mong sa go šegofala, ke rapela Wena, Morena, go ba botho le kgaogelo go rena, bošegong bjo, go lebalela dibe tša rena le dikarogo tša rena. ke rapela Wena go ba botho go bao ba babjago le go hloka. E fe, Morena. Gomme ge go na le sebe magareng ga rena, O Modimo wa Gosafelego, se swarele.

⁸⁷ Ka gore feela ka dinakwaneng di se kae tše di latelago, Lentšu la Gago le hwetšwa gabotse goba Le hwetšwa ka phošo. E ka ba gore le hwetšwa go ba therešo goba Ke phošo. Modimo e sa le Modimo, goba Mangwalo a fošagetše. Gomme, Morena, go rera se, go se dumela, go se swarelela go makgaolakgang, Morena, go

fao gore go swanetše go ba se sengwe se diregago. Go swanetše go ba . . . E ka ba gore, Modimo o swanetše go netefatša Yenamong kgonthé, goba batho ba ne tokelo go re, “Sa pele ke swanetše go e bona.”

⁸⁸ Eupša, Morena, batho ba ba tswetšwego ka sebeng, ba kgoloketšwego bokgopong, bjalo ka ge bohle re le, ba tla lefaseng ba bolela maaka. Gona re a tseba, Morena, gore Modimo wa kgaogelo ka kgonthé o tla ba le kgaogelo go rena, gomme o tla re thuša, morategi Modimo. Re a rapela bošegong bjo bakeng sa motho ka motho mo, gore Moya wa Gago o tla khutša godimo ga bona, go lebalela dibe tša rena le ditsela tša rena tše mpe. Gomme a nke re amoge Morena Jesu bjalo ka Mophološi wa rena wa go šegofala feela bjale. Gomme a nke Moya wa Gagwe o be botho.

⁸⁹ Bjale, Tate, go ngwadilwe ka go Lentšu, ka dipounama tša mošegofatšwa wa rena beng Morena le Mophološi, Morwa wa Gago, yo a boletšwego ka tsela ye, “Dilo tše Ke di dirago le tla di dira le lena. Yo a dumelago go Nna, o tla dira mediro ye Ke e dirago. Lebakana le lennyane, gomme lefase le ka se Mpone gape, efela, lena le tla Mpona, gobane Ke tla ba le lena, le ka go lena, go fihla bofelong bja lebaka.” O dirile tshepišo gore bana ba go se dumele ba Adama ba ka se tsoge ba kgona go Go bona gape morago ga ge O tlogetše lefase, eupša gore modumedi o tla Go bona ka maatla le tšhupetšo, ka go moloko wo mongwe le wo mongwe. Re dumela seo, Morena.

⁹⁰ Gomme re a dumela gore re phela ka matšatšing a mafelelo a lebaka la Bantle, gore ka pela le a tswalela. Gomme O tsošeditše godimo mediro ye maatla ye, gore Bantle ba ka no se be le boitshwarelelo. O bile le seswantšho sa Gago se tšerwe le rena, bjalo ka Pilara ya Mollo ye kgolo yeo e etilegopele bana ba Israele. Gomme ka fao, a ponagalo e lego yona, le go Go bona! Ge e ka no ba seswantšho se nnoši, “Se . . .” re ka kgona go re, “gabotse, go ka no ba go bile *bjalo le bjalo*, le ge lefase la saense le rile e be e le therešo.” Eupša ge re bona Moya o etla fase le go bonagatša, le go dira dilo tša go swana tše A di dirilego, gona re tlamegile go E lemoga go ba Morena yo a tsogilego.

⁹¹ Re thuše, bošegong bjo, Morena. Re batho ba ba lebilego Bokagosafelego. Re ne dihlogo tša rena go leba lerweleng moo O re tšerego go tšwa gona, gomme re tseleng ya rena go boweng, ka lebelo. Nako ye nnyane ye ya tokišetšo ke ya disoulo tša rena. Eba botho bjale, Morena.

⁹² Gomme bjalo ka ge mohlanka wa Gago a eme, O Modimo, ka . . . Ke na le tumelo go dumela gore Modimo ga a kgone go aketša, gore O tla boloka tshepišo ya Gagwe. O swanetše go e dira, gore a be Modimo.

⁹³ Morena, bjalo ka ge lebaka la ka le sobela go bapa, gomme, ga ke tsebe ke na le botelele bjo bokae go dula mo. Ke a rapela, Modimo, gore O tla mpha maitemogelo a magolo, ebile le a

magolwane go feta se se dirilwego, ge go kgonega, gore batho ba ke ba tsebe le go itemogelo gore Lentšu la Modimo le le phelago ke karolo ya Modimo. Gomme a nke motho yo mongwe le yo mongwe a be ntle le boitshwareletšo, bosegong bjo, ge re tloga mo, ge ba ka Go šotologela. E fe. Phološa disoulo le go fodiša balwetši. Ka gore re e kgopela Leineng la Ngwana wa Gago, Morena Jesu, Mophološi mošegofatšwa wa rena. Amene.

⁹⁴ Ke a le leboga bakeng sa šedi ya lena. Ke a tseba ke le swareletše feela ga—ga nnyane bottelele. Ke no rata Lentšu le lebotse lela la kgale. Ke tswetšwe ka go Lona. Ke nyaka go hwa le Lona. Lefelo le ke nyakago go ya le thwi mo ka morago ga sefala, ke rata go ya Gae go kopana le Modimo. Ge nkabe ke bile le maphelo a masomepedi go phela, goba maphelo a lekgolo, ke be ke tla nyaka bjo bongwe le bjo bongwe bja wona bakeng sa Morena Jesu. Le ge fao go be go se Legodimo go ya go lona, ka morago ga fao, ke be ke tla no ba ke sa nyaka go direla Morena Jesu, bakeng sa khutšo le kgotsofalo ye ke nago le yona ya go tseba gore O a phela. Gomme ka gobane O a phela, nka kgona go phela, le nna.

⁹⁵ Bjale, ge ke eme fa, bosegong bjo, go botša sehlopha se sennyane se sa batho gore ke bile le maatla go fodiša yo mongwe, ke . . . le tla tseba ka pela, goba batho ba ba tsebago Beibele, go tseba gore ke tla be ke fora. Ga ke na maatla go fodiša. Le motho ga a gona ka lefaseng a nago le maatla a go fodiša. Ke feela ka Kriste, le tumelo ya gago ka go mošomo wo o feditšwego. Modiradibe yo mongwe le yo mongwe a ka phološwa feela bjale. Ka gobaneng? Ka gobane Jesu o tla tlase le go go phološa bjale? Aowa. Gobane O go phološitše ge A go hwetše kua Khalibari. Go be go fedile, peakanyo ka moka ya phološo, le bakeng sa phodišo ya gago. Ke tumelo ya gago ya sebele ka go Modimo yo a phelago.

⁹⁶ Bjale, ke eme le Korana ka seatleng se tee, le Beibele ka go se sengwe, pele ga makgolo a dikete tša Bomohammedan, gomme ke rile, “E tee e swanetše go rereša, gomme ye nngwe ye tee ke phošo.”

⁹⁷ Ga go kgathale se motho a se bolelago, ge a sa kgone go thekga se a bolelago ka sona, o a aketša. Gomme ge Jesu Kriste a tshepišitše gore Kereke ya Gagwe e tla dira selo sa go swana seo A se dirilego, gomme a ka se se thekge, go ne se sengwe sa phošo; O be a se Morwa wa Modimo. Eupša ge A ka e thekga, gona lefase ga le na boitshwareletšo. Yeo ke nnete. O tlamegile go boloka Lentšu la Gagwe.

⁹⁸ Gomme o tlemegile go Yena. Ga se wena wa gagomong. O hwile go go lopolla. Gomme ke wena yo A mo lebeletšego, go tla morago go yo Motee yo a go lopolotšego.

⁹⁹ Ge nka kgona, bosegong bjo, ke tla fodiša motho yo mongwe le yo mongwe ka fa. Ga ke ne maatla go dira seo. Tsela e nnoši

yeo modiredi a ka kgonago go e dira: go rera Lentšu. “Tumelo e tla ka go kwa Lentšu.”

¹⁰⁰ Gomme Lentšu gape le bolela gore go tla ba, ka matšatšing a mafelelo, le go kgabola lebaka, lebaka la Kereke, “Go tla ba, ba pele baapostola,” e lego baromiwa, “baprofeta ba bobedi, ka morago ga fao barutiši, gomme ka gona dimpho tša go fapano,” di tla ba ka Kerekeng, go bonagatša le go laetša Bogona bja Gagwe.

¹⁰¹ Bjale, pakišano ya ka ke ye. Ge go na le basetsebje fa, ga ke tle kerekeng ya ka mong botelele go lekanelo go tseba ke mang a tlago fa. Ye ke tabarenekele ye nnyane, lena baeng, moo ke... ke godišitšwego ka gare, tabarenekele ya ka ya mathomo le ye nnyane e nnoši. Ke ka go toropokgolo ye mo ye ke phetšego magareng ga batho. Ge o le basetsebane le rena, kgopela yo mongwe go bapela le toropokgolo ye, eya go sephodisa, go meyara wa toropokgolo, le mang kapa mang, le go hwetša ge eba Mokriste e ka ba ofe fa a kilego a bona ye nngwe ya dipono tšela e kile ya šitwa. E ka se palelwe. Ke Modimo. Le a bona? Ke Modimo.

¹⁰² Gomme thwi mošola mo nokeng, ye mentši, ye mentši, mengwaga ye mentši ya go feta, ge re be re kolobetša, go tšwa go tsošeletšo ya ka ye nnyane ya mathomo, fao moo Morongwa yo wa Morena fa a tliego fase, le go lekelela godimo moo re bego re le. Gomme O rile go nna, “Molaetsa wo o tla ya go rarela lefase, gomme o tla thoma tsošeletšo ye e tla swielago go dikologa lefase, le go ba feela pele ga go Tla ga Kriste, lekga la bobedi.”

¹⁰³ Gomme ge Ngwanešu Davis, Ngaka Roy Davis, bontši bja lena le a mo tseba, yo a ntłhomamishišego ka kerekeng, ka go kerekeng ya Baptist. Ge, o rile ke bile le sekatapowana. Nka dira bjang, ka thuto ya kreiti ya bošupa, go ya go rerala magoši, le babuši, le bakgoma, go dikologa lefase? Nka se kgone go le botša. Eupša Modimo o boletše bjalo, gomme ke e dumetše. Gomme O ntirile ke phele go e bona, gore e dirilwe. Gomme tsošeletšo ye kgolo bjale, ya mello ya tsošeletšo, e tuka godimo ga thaba ye nngwe le ye nngwe go dikologa lefase, e letile go Tla ga Morena wa go šegofala.

¹⁰⁴ Babulamadibogo ba bagolo ba dilo tše! Go na le mokitimi yo mogolo ka lefaseng lehono: boebangedi, bjalo ka Billy Graham; boka Johane Mokolobetši yo a yago pele a lema ka go dilo, gomme o beile selepe go modu wa mohlare, a sa dire mehlolo; le Johane ga se a dira. Eupša o rerile Lentšu.

¹⁰⁵ Eupša, ka pela ka morago ga ge a tlie mmogo, Morena Jesu; e sego moreri yo mogolo bjalo, eupša go dira maswao le matete, o rile, “Ge Ke sa dire mediro ya Tate wa Ka, gona se Ntumeleng. Eupša ge Ke dira mediro, ge le sa Ntumele, dumelang mediro.” Ka gona O rile, “Ga Ke dire selo ka go Nnamong eupša se Ke bonago Tate a se dira le yena.” Gomme O dirile eng? O boditše mosadi ka dibe tša gagwe. O boditše Filipi mo a bego a le gona

pele ga Nathaniele . . . Nathaniele, mo a bego a le gona, pele Filipi a mo hwetša ka tlase ga mohlare, a rapela. O boditše Petro se leina la gagwe le bego le le. O boditše mosadi ka taba ya madi, ge a kgwathile kobo ya Gagwe, dilo tše tshohle.

¹⁰⁶ Gomme O rile, “Mediro ye Ke e dirago, le tla e dira le lena. Le tla dira bontši, ka gore Ke ya go Tate wa Ka.” Mosadi yo motee o kgwathile kobo ya Gagwe, gomme O fokotše kudu. Go be go se yo motee gape a kgwathilego, bokgole bjo re tsebago. Seo ke sohle re nago le sona, gomme Beibele ke sohle re swanetšego go ya ka sona. Eupša bjale re kgona go bona e dirwa, nako ka morago ga nako, ka badiradibe ba phološitšwe ka mogau. Gobaneng? Ka gobane Lentšu la Gagwe le rile, “Bontši go feta bjo le tla dira.” Bjale, O hwile. Ya, O tsogile gape, gomme O a phela bošegong bjo.

¹⁰⁷ O rile, “Ke nna Morara, lena le makala.” Morara ga o enywe kenywa. O hlwekiša makala, gomme makala a enywa kenywa. Ga A na diatla eupša tša ka le tša gago. Ga A na mahlo eupša a ka le a gago, gobane O boetše ka Moyeng.

¹⁰⁸ Pilara ya Mollo yeo e etilegopele bana ba Israele, E be e le Morongwa wa Kgwerano, Jesu Kriste. Beibele e boletše bjalo. Mmadi yo mongwe le yo mongwe wa Beibele o tseba seo. Gomme O rile, “Ke tšwa go Modimo. Ke ya go Modimo.” Gomme O boetše morago go Modimo.

¹⁰⁹ Le re, “O ile morago go Pilara yela ya Mollo?” Ka phethagalo. “A Beibele e bolela bjalo?” Ee, mohlomphegi.

¹¹⁰ Paulo, gannyane ka morago ga tsogo ya Gagwe, o kopane le Yena tseleng go theogela Damaseko. E be e le Seetša sela sa go phadima sa go swana seo se timilego mahlo a Paulo. Gomme ga go yo a Se bonego eupša Paulo. E be e le kgontha go ba bangwe, gomme e sego go ba bangwe.

¹¹¹ Ke a tseba, ka boitemogelo, gore Morena Jesu wa go swana ga a p- . . . dikgato tše pedi go tloga moo ke emego thwi bjale. Yeo ke nnete. Dipono di a tla gomme le a e bona.

¹¹² Gomme Se be se phadima go fihla Se timile mahlo a gagwe. O rile, “Morena! Morena!”

O rile, “Gobaneng o Ntlhomaretše, Paulo?”

O rile, “O Mang, Morena?”

O rile, “Ke nna Jesu,” Seetša.

¹¹³ Šo Yena, ka matšatšing a mafelelo, o dira selo sa go swana, dikenywa tša go swana. Moya o tla bea bohlatse bja wonamong, nako le nako. Ge A ka dira seo, bošegong bjo, ka kerekeng ye nnyane ye, ge le eme mo ka maoto a go opa le dinao! Ke a rapela. O tla swanelia feela go e dira gatee. Gatee go tla lekanelia.

¹¹⁴ Ke rena batho ba ba phopholetšago ka leswiswing. Re nyaka go nagana go fapania, eupša ga se rena. Re bona dilo tše. Jesu o

boletše ka Beibeleng, goba Beibele e bolela ka Yena, o boletše se, “Ba na le mahlo, eupša ga ba kgone go bona; ditsebe eupša ga ba kgone go kwa. Le ge A dirile mehlolo ye mentši kudu, efela ga se ba kgona go Mo dumela.” A le bona se ke se rago? Phafoga bjale, ka pela.

¹¹⁵ Ge Morena Jesu a tla dira dilo tše, gona Yena ke Kriste, wa go swana maabane, lehono, le go ya go ile. A nke A e fe bjale. Ge A ka rata, ke tla Mo leboga. Ge re rapela.

¹¹⁶ Morena Modimo, Mohlodi wa magodimo le lefase, bjale ka moka ga yona e ka diatleng tša Gago, Morena. Wo ke wo monnyane, Molaetša wa go kgaogana, ka bothata. Batho ka meoya ya bona e tshwenywa gohle, ka go ema, maoto a go opa, le batho ba go babja ba lla, gomme go bothata kudu. Eupša ke a rapela, Morena, gore O tla ka mokgwa wo mongwe, ka mokgwa wo mongwe goba ka tsela ye nngwe, wa tliša Molaetša wo monnyane go bona, gore banna ba ba nago le tumelo, ba ba dumelago gore O tshepišitše dilo tšohle di a kgonega.

¹¹⁷ Ka gona, bao ba kgwathilego seaparo sa Morena wa rena, re a rutwa ka Testamenteng ye Mpsha, gore, “O sa le Moprista yo Mogolo yoo a kgonago go kgwathwa ke maikutlo a mabofokodi a rena.” O sa kgona go bolela. O sa phela. Gomme re morara wa Gagwe... goba makala a Gagwe ao a kgomaganego ka go Morara. Gona etla, Moya wo Mokgethwa, bolela gomme re fe Seetša. Re fe phodišo. Re fe tebalelo ya dibe tše rena, gomme re dire batho ba Gago. Ka gore se re se kgopela ka Leina la Jesu, le bakeng sa letago la Gagwe. Amene.

¹¹⁸ Ga ke tsebe re tla emiša batho ba go babja bjang. Re ka se kgone go ema bontši kudu ka nako. A re boneng. Dikarata tša thapelo, a lena bohole... Bjale go ne bašemane ba babedi gape bao ba tlago go fa dikarata tša thapelo, Gene le Leo. Ga se ba ke ba fihla. Gomme ga se ba ke ba fa ntłe dikarata tše ntši kudu. Ke a nagana Billy o bile... Ke ba bakae? O bile feela le masometlhano. Ga wa swanelo go ba le yona. Go le bjalo, fao go no ba tše dingwe, di hlakane godimo, re ka kgona go hwetša di se kae godimo mo, go—go mo. Bjale, e be e le eng, go tlaga go tee go ya go masometlhano? Di be di le go tlaga go tee go fihla go masometlhano. Ba tla e dira bjang? Ba tla thwi fase gomme ba hlakahlakanya dikarata, gare ga lena.

¹¹⁹ [Lefelo la go se be le selo godimo ga theipi—Mor.]... go no bolela le lena, feela go no kgokagana... Fa, ema ka tsela ye, gobane ke dumela segalontšu ga se tle gabotse kudu go segodišantšu se sennyane se fa. Ge le rata...

¹²⁰ Ge Moya wo Mokgethwa o ka utolla se o lego mo bakeng sa sona, boka mosadi mo sedibeng, yo a tlago go Morena Jesu. Gomme Jesu o rile, “Dilo tše Ke di dirago le tla di dira le lena.” Gomme ge A ka utolla se o se nyakago ka Yena, e ka ba eng o e nyakago, se bothata bja gago e lego, a o tla dumela e be e le

Yena? O tla dira. Ba tla tseba e tla swanelo go tšwa maatleng a kagodimogatlhago. Bjale ge mohumagadi . . .

¹²¹ Ge nka re, “Mohumagadi, o nyaka—o nyaka tšelete tsoko gobane o—o . . . o ne sekoloto go lefa. O ya go e hwetša.” Huh! O tla ba le tokelo go belaela yeo. Ge nka re, “O a babja gomme o ya go fola.” O tla ba le tokelo go belaela seo. A ka se tsebe.

¹²² Eupša go ka reng ge Moya wo Mokgethwa o eya morago tlase fale, le go bontšha se sengwe seo a bego a se dira? Se sengwe seo o tla tsebago ge eba seo e be e le nnete goba aowa. O tla ba moahlodi wa seo. Le a bona? A a be moahlodi. Le a bona?

“Bjale, o re o dira eng, Ngwanešu Branham?”

¹²³ Ka morago ga go rera ka mokgwa woo, le ka kerekeng ya ka ya gae mo, ke letetše tlotšo yela go tla fase, moya wo Mokgethwa wola wa go šegofala go dira tlotšo. Gomme ke a tshepa gore O tla dira, bakeng sa letago la Modimo.

¹²⁴ Bjale a nke mohumagadi . . . O fa. O ne hlogo ya gagwe e inamištšwe. Mahlo a gagwe a tswaletšwe. O ka thapelang. Ke nyaka le rapelele e ka ba eng le e nyakago. Gomme Morena a e utolla, gomme o be moahlodi.

¹²⁵ Mosadi, ge batheeletši ba sa kgona go kwa segalontšu sa ka, o tlaišega go tšwa go seemo se segolo sa letšhogo. Gomme ke bona ngaka a dira se sengwe. O bea se—se selo go dikologa letsogo la gagwe. Gomme o re o na le kgatelelo ya godimo ya madi. Yeo ke nnete. A yeo ga se nnete, mohumagadi? [Kgaetšedi o re, “Yeo ke nnete.”—Mor.] Bjale se sengwe . . .

¹²⁶ A le kwele segalontšu sela? Yola e be e se nna. Ga se ke be le selo go dira le sela. Bjale, bontši ge ke bolela le yena, bontši bo tla direga. Nno šetšang bjale, re tla bolela le yena gape. Ga ke tsebe se A se boletšego se be se le phošo ka yena. Ge ba . . . Se e bilego, e tla ba go ditheipi morago fale, le a bona. Eupša, e ka ba eng e bilego, ke nnete.

¹²⁷ Bjale a re nong go lebelela go yena gape. Ee, ke mmona bjale ka seemong sa letšhogo. Gomme se sengwe se fošagetše ka madi a gagwe. Gomme ga a tšwe toropongkgolo ye. O tšwa Louisville. Gomme o be a le e sego kgale ka sepetlele, gomme e be e le bakeng sa nyumonia. Gomme ngaka ya gagwe e a mmotša o na le sete ya mokokotlo wa yona, gomme o swanetše go boela morago gape sepetlele. Seo ke O RIALO MORENA. Yeo ke nnete.

¹²⁸ Eupša ga wa swanelo go ya morago, mohumagadi. Tumelo ya gago e go dirile o loke. O—o fodile bjale, ka Leina la Morena Jesu. Bjale, sepela gomme o fole. Morena a go šegofatše.

A ke bile le selo se tee go dira le seo? E sego selo.

¹²⁹ Bjale, mo go eme mohumagadi yo ke sego ka ke ka tsoge ka mmona ka bophelong bja ka. Ke a nagana re basetsebane seng sa rena. A re bona? O mpone, eupša go molaleng ga se ka ke ka go bona. Go molaleng o be o le ka dikopanong goba felotsoko. Bjale,

ge Morena Jesu a ka ntumelela go tseba se o lego mo bakeng sa sona, o tla tseba gona, nna ke sa go tsebe, gore go ne tsela ye nngwe ke swanetšego go tseba. O tla swanela go tseba e tla go kgabola ya kagodimogatlhago. Gona le tla nagana e tla ba eng? Selo sa go swana Beibele e se boletšego, gore Jesu Kriste o a swana maabane le go ya go ile.

¹³⁰ A o ka dumela batheeletši bale? Seatla sa ka se se. Bokgole bjo ke tsebago, ga se nke ka ke ka bona mosadi yo bophelong bja ka. Le a bona? Gomme o mpone . . .

¹³¹ Eupša ga ke tsebe se o lego fa ka sona. Ga ke tsebe selo ka sona. Ke—ke—ke no se tsebe, eupša Modimo o a dira. Bjale, ge Morena a ka e utolla, amene. Seo ke sohle A kgonnego go se dira ge A eme fa. Ge e le bakeng sa phodišo goba e ka ba eng gape, O no nyaka le e dumele, yeo ke phetho. Se ke go bonagatša gore Lentšu la Gagwe ke therešo.

Se sengwe se diregile ka go batheeletši nako yeo. E no ba le tumelo.

¹³² Bjale go bonala gore fao . . . Bjale ge le ka kgona go bona gare ga ka le mosadi. O tlaisega ka bofokodi. O na le ditlhaselotša go fokola ka kgonthe. Yeo ke nnete. Feela bofokodi bjo bogolo; go tšhoga, go fokola. Eupša leo ga se lebaka la gago o lego fa. O fa bakeng sa yo mongwe gape, gomme yoo ke motho. Ke monnamogatša wa gago. A ka se kgone go tla, gobane o ne bothata bja pelo bjo bošoro le letšhogo. Gomme ga o tšwe toropongkgolo ye. O tšwa lefelong le le bitšwago Columbia. Columbia, Kentucky. Leina la gago ke Lottie Goodin. Leina la monnamogatša wa gago, Elmer. Eya gae gomme o e hwetše bjalo ka ge o dumetše. Gomme a nke Modimo a go fe yona, ka Leina la Morena Jesu.

E no dumela. Eba le tumelo. Se belaеle bjale. E no dumela.

¹³³ Ke a nagana re basetsebane seng sa rena, mohlomphegi? Bjale, banna ba babedi šeba. Feela boka Filipi a ile le go hwetša Nathaniele, gomme a mo tliša go Morena. Ga ke go tsebe, gomme ga o ntsebe. Eupša Modimo o a re tseba bobedi. O a lemoga gore se sengwe se ya pele thwi bjale. O a bona? Go ema pele ga monna go ka se go dire o ikwele ka mokgwa woo, ale a go kokobela, maikutlo a mabose.

¹³⁴ Bjale, ge le ka no kgona go bona Seetša se se sepelago, se dula magareng ga ka le monna. Bjale o tloga go nna. Gomme ga a mo bakeng sa gagwemong. O mo bakeng sa yo mongwe gape, yoo e lego leloko, motlogolo. Gomme o ka sešoleng, ka sešoleng sa ka meetseng. Eupša ga a kgole go tloga fa. O kgauswi le lefelo moo go nago le bontši bja dilo tša sešole. Ke bookelo, gomme ke Fort Knox. Gomme o foufetše, go hlotšwe go tšwa go—go sethunya se thuntšwe. Gomme ngaka o re ga go kholofelo go yena. Seo ke O RIALO MORENA. A o a dumela? [Ngwanešu o re, “Ee, mohlomphegi.”—Mor.] Gona a nke e be go ya ka tumelo ya gago,

ngwanešu wa ka. Gomme amogela, Leineng la Morena wa rena Jesu. Amene. A o a dumela? Modimo a go šegofatše, ngwanešu morategi.

Wena, motho yo a latelago. Go bjang? [Lefelo la go se be le selo godimo ga theipi—Mor.]

¹³⁵ Mophološi mošegofatšwa wa rena o ratega bjang, motlalagohle bjang—bjang, kafao gore Jesu wa go swana yo a emego ka Galelia!

¹³⁶ Nakwana feela. A monna yola o be a le, kua, mo sefaleng feela bjale? Ke ofe wa banna a bego a le? Monna yola fale? Go lokile. Le ka dula.

¹³⁷ Ke mohumagadi thwi fa mo mafelelong, a rwelego kefa ye khubedu. Ee. O rapelela mogwera yoo a lego segatamoroko. Yeo ke nnete. Go lokile. Ge o ka dumela, o ka amogela. Amene. Go lokile.

¹³⁸ A o tla dumela? Ga ke go tsebe. Ga se ka ke ka go bona ka bophelong bja ka. Re basetsebane seng sa rena. Eupša ge Morena Modimo wa Legodimo a ka iponagatše ka Boyena, ka maatleng a Gagwe, le go utolla gore O a swana maabane, lehono, le go ya go ile, a o tla Mo dumela? [Kgaetšedi o re, “Ke a Mo dumela.”—Mor.]

¹³⁹ A re boneng, a ba bararo ba goba . . . batho goba . . . Go bile bontši go feta seo go kgabola, a ga se gona? Tharo ke tiišetšo, ka nnete. Eupša, e ka ba eng e lego.

¹⁴⁰ O mo bakeng sa yo mongwe gape. Yeo ke tlhogelokgolo ya gago. Gomme yeo ke bakeng sa monna. Gomme monna yoo ke morwa wa gago. Gomme o ne bothata bja pelo. Gomme o bile le mohuta tsoko wa se sengwe se mo diragalela. Ke strouku. Gomme se mo golofaditše seripa. Gomme le wena o a babja. O na le bolwetši bja lelalegolo. Ke seemo sa mala. Seo ke O RIALO MORENA.

¹⁴¹ Gomme selo se sengwe, ke bona motseta a eya go tloga lefelong go ya lefelong. Aowa. E be e le yo mongwe a etla mo tabarenekeleng, nako ye nngwe ya go feta, gomme a kgopela thapelo bakeng sa gago, gomme Morena o go fodišitše. Seo ke O RIALO MORENA. Ge seo e le therešo, emiša diatla tša gago. A o a dumela o hwetša se o se kgopelago? [Kgaetšedi o re, “Ke a dira.”—Mor.] Gona a nke e be go wena, kgaetšedi wa ka, bjalo ka ge Morena Jesu a file. Amene.

Go bjang?

¹⁴² A yo mongwe le yo mongwe o a dumela? O dumela ka pelo ya gago yohle? Bjale eba le tumelo. Ke eng?

¹⁴³ Ke no swanelo go bolela fa feela motsotswana, ge le rata, gobane ke ne bontši go fihla go, gomme ke no nyaka go khutša feela nakwana. Ga le lemoge se seo se se dirago go wena. Go befile go feta go rapela- . . . Kgonthe. Ke ba bakae ba elelwago, moprofeta yo mogolo Daniele o bone pono ye nngwe gomme o be

a tshwenyegile mo hlogong ya gagwe lebaka la matšatši a mantši? Le a elelwa? Nnete. Le a bona? E no ba feela mogau wa Gagwe.

¹⁴⁴ Bjale lena ntle kua, ba le sego ka mothalong wa thapelo, e nong go thoma go lebelela ka tsela ye. Ke... O re, “Ngwanešu Branham, a seo se ka dira botse bjo bo itšego?” Nnete. E no kgopela Morena Jesu. O re, “Tate wa go šegofala, a nke ke kgwathe kobo ya Gago. Gomme tsela e nnoši ke tsebago gore O nkgwathile, goba o nkwele, e tla ba ge O ka bolela ka dipounama tša monna yola le go mpotša se ke se kgopelago, go swana le godimo kua sefaleng. Ke a Go dumela.” Lena ntle le dikarata tša thapelo bjale, rapelang gomme le e dumele ka tsela yeo. Le se belaеe. Nno bang le tumelo.

¹⁴⁵ Bjale, a yo ke molwetši, Ngwanešu Neville? Yo molwetši? [Ngwanešu Neville o re, “Ee, ke yena.”—Mor.]

¹⁴⁶ Ke be ke sa re go go dira o eme kua. Eupša ke... O ka eleletša se se diregago. A re basetsebane seng sa renä? [Kgaetšedi o re, “Nnete.”—Mor.] Re bona. Bjale a nke ye e rarollwe. Mosadi yo ke mosetsebje go nna. Ga ke mo tsebe. Ga se ka ke ka mmona, ka bophelong bja ka. Gomme ye ke nako ya renä ya mathomo go kopana. Yeo ke mnene. Lekga la mathomo re kilego ra bea mahlo go renä seng. Gomme e no ba mosadi yo a tlidego godimo mo sefaleng. Yo mongwe o mo fa karata ya thapelo, gomme o nno tla godimo fa mo sefaleng. Ke sohle ke se tsebago ka yena.

¹⁴⁷ Eupša Morena Jesu a ka kgona go e utolla. Gomme ge A ka kgona go e utolla, gona O a swana maabane, lehono, le go ya go ile. Seo ke tlwa se A tshepišitšego go se dira. Gomme ge tshepišo yela e phethagaditšwe, O tla phethagatša tshepišo ye nngwe le ye nngwe ye A e dirilego. Gomme O tshepišitše go go fodiša ge o ka e dumela. A o bona se ke se rago bjale? E ka se palelwé. Go swanetše go ba bjalo. Oo, a go šegofatšwe Leina la Gagwe! O no se kgone go šitwa.

¹⁴⁸ Ge Morena Jesu a ka ntumelela go tseba se se bego se le ka bophelong bja gago, ka kgonthe O tla tseba se se tla bago ka bophelong bja gago. O tla ba moahlodi wa seo.

¹⁴⁹ Ke ba bakae ba ka rego, “Ke tla dumela ka pelo ya ka yohle, ge mosadi yola a ka swara diatla tša gagwe, bobedi bja lena le re ga se la ke la tsoge la kopana pele, gomme Morena Jesu o tla e utolla, ke tla dumela”? Ka—ka pelo ya gago yohle, a o tla e dira?

¹⁵⁰ Modimo ga a re nyake re tšwafa. O re nyaka re eba le tumelo. Ke renä ba, pele ga phuluphithi, Beibele e robetše mo, gomme, bobedi bja renä, re eme mo.

¹⁵¹ Mohumagadi o tlaišega ka seemo sa letšhogo le legologolo. Bjoo ke bothata bja gago. Eupša se o naganago ke sona, ke se sengwe ka mogodung wa gago, seo se go fago go gase ka mogodung wa gago. Yeo ke megalatšika yeo e dirago seo. Yeo ke nnene. Gomme o na le se sengwe sa phošo ka molala wa gago, le ka magetleng a gago. Gobane... O ya kerekeng, gomme

o Mokriste. Gomme o rapiano ka kerekeng ya gago. Gomme ge o bapala piano, tlaišego yeo e a go gobatša ge o bapala piano. Seo ke O RIALO MOYA. Yeo ke therešo. Gomme ga o tšwe toropongkgolo ye. Eupša o tšwa toropongkgolo mo nokeng. Gomme ga se Louisville. Ke Cincinnati. Cincinnati, Ohio. Yeo ke O RIALO MORENA.

¹⁵² A le kgona go bona mothalo wola? Tumelo e rathile feela nako yela, gobane ya gagwe... Moisa yola yo moswa a dutšego thwi mošola, mohuta wa moriri wa go tatagana, ke yena se sengwe se a amanago le wena. Yeo ke therešo, lesogana. Tumelo ya gago e kgwathile se sengwe. O tlaišega ka go tsupuga ga setho. Yeo ke nnete. Gomme gape o tšwa Cincinnati. Yeo ke therešo. O a dumela?

¹⁵³ Mohumagadi yo monnyane o thinthia magetla a gagwe, a dutše thwi mo, ka kefa ye pinki, šole go mo dikologa. O na le bothata ka mahlo a gagwe. Yeo ke nnete. Gomme o tšwa Cincinnati. Yeo ke nnete. Gomme a ke go botše. O ntumela go ba moprofeta wa Modimo? O a dira? O rapelela monnamogatša yoo a thomago go nwa. O be a tlwaetše go ya kerekeng le go ba Mokriste, eupša o kgelogile, le go nwa bjale. Seo ke O RIALO MORENA. Yeo ke nnete. Gabotse, phagamiša seatla sa gago ge yeo e le nnete. Kafao, go lokile.

¹⁵⁴ Mohumagadi yola yo monnyane a dutšego hleng le wena fale, o sotlega ka seemo sa letšhogo. Le yena o tšwa godimo fale. Eupša selo se o se hlokago gampe go feta o kile... O ya kerekeng, eupša ga se wa be wa ba Mokriste wa kgonthe. Yeo ke nnete. A o tla Mo amogela bjale bjalo ka Mophološi wa gago wa sebele, go beng gore O fale? Ge o dira, šišinyetša seatla sa gago go Yena, bjale Mo amoge. Modimo a go šegofatše. Dibe tša gago di lebaletšwe. O ya ka khutšo, gomme letšhogo la gago le ile. Amene. Eya gae gomme o thabe, Leineng la Morena.

A le a dumela? Dilo tšohle di a kgonega go bona bao ba dumelago.

¹⁵⁵ Bjale ke ikwetše mororomelo morago kua... e sego mororomelo, eupša moyo wo o rego ke bala monagano wa bona. Ga ke e dire. Le tla hlokomela, seo se tla tla go lena.

¹⁵⁶ Mo, monna yo mo, bea seatla sa gago godimo ga sa ka, mohlomphegi. Ebile nka se go lebelele. Ge Morena Jesu a ka nkutollela se e lego bothata bja gag, a o tla amogela phodišo ya gago goba e ka ba eng o e hlokago? A o tla e dira? Monna yo mo, o tla dira? [Ngwanešu o re, "Ee."—Mor.] Bothata bja pelo. Bjale, o a ya gomme o fodišwe. Morena Jesu o go dira o loke. Ge o dumela ka pelo ya gago yohle, o ka no ya le go fola. Modimo a go šegofatše.

¹⁵⁷ Etra. Bjale, mohumagadi yo mo. Mosadi o na le moyo wa lehu godimo ga gagwe, ka gore o na le kankere. O a dumela gore

Morena o tla go fodiša, kgaetšedi? [Kgaetšedi o re, “Ka nnete ke a dira.”—Mor.]

¹⁵⁸ O Morategi Modimo, Yo a dirilego magodimo le lefase, mosadi yo monnyane yo wa go šokiša o tantšwe ka dinaleng tša diabolo. Moriti wo moso o lekelela kgauswi, eupša re hlohlha letimone le. Leineng la Morena Jesu, tšwela ntle go tšwa go mosadi, gomme a nke a sepele a ye go fola, Leineng la Jesu Kriste. Amene.

Morena a go šegofatše, kgaetšedi. Sepela, gomme o se belaele bakeng sa selo.

¹⁵⁹ Ge o ka kgona go dumela! A o a dumela? E no ba le tumelo. Beibele e rile, “Ge o ka kgona go dumela, dilo tšohle di a kgonega.” Eupša ke tsela e nnoši e ka kgonago go dirwa.

¹⁶⁰ Re basetsebane seng sa renas, mohlomphegi, eupša Morena o tseba bobedi bja renas. Ge A ka utolla go nna se o lego mo bakeng sa sona, a o tla se amogela? O na le bothata bja mogodu.

¹⁶¹ Gomme selo se sengwe, o modiradibe. Ga se wa amogela Morena bjalo ka Mophološi wa gago. A o tla Mo amogela bjalo ka Mophološi wa gago? O phagamišetša diatla tša gago go Yena, wa Mo amogela bjalo ka Mophološi wa gago, gomme ke a go kwalakwatša, Leineng la Kriste, o fodištšwe go mathata a gago a mogodu. Sepela gomme o se dire sebe gape. Amene.

Eba le kgaogelo, Modimo wa go phela!

¹⁶² O a dumela Modimo o go fodiša go bothata bjoo bja pelo? Gona eya ntle fale gomme o thakgafatšwe, Leineng la Morena Jesu.

¹⁶³ A mohumagadi yo monnyane a dutšego mo, a aperego jase ye ntsho, digalase, o na le karata ya thapelo, mohumagadi? Ga o nayo? O ne se sengwe sa phošo ka ditsebe tša gago, o nyakago ke se rapelele. Gomme o ne bothata bja teng, le wena. A yeo ke nnete? Go lokile. Go fedile bjale. Sepela, dumela. Ge o ka dumela!

¹⁶⁴ O nyaka thapelo bakeng sa yo mongwe, a ga o? [Ngwanešu o re, “Ee, mohlomphegi.”—Mor.] Kgaetšedi, ka lefelong.

¹⁶⁵ O Modimo wa ka Gosafelego, romela tšhegofatšo ya Gago go motho, gomme a nke ba fodišwe. E fe, O Morena, ka gore re e kgopela Leineng la Jesu. Amene.

E hwetše bjalo ka ge o dumetše, ngwanešu wa ka. Se belaele.

¹⁶⁶ Ge o ka kgona go dumela! A o a dumela? Oo, a nako ya letago e ka kgonago go ba ya bohle, ge o ka . . .

¹⁶⁷ Fao go bonala go ba Seetša go dikologa mosadi yo a lego mohuta wa go bopega boima, a ntebeletšego, thwi morago *mo*. Ke mohumagadi ka gare. Se tloga go yena, gobane mohumagadi yo o sa tšo fodišwa. Eupša mohumagadi wa go latela o ne se sengwe, mohuta wa kgatelelo ya madi, kgatelelo ya fase ya madi. A o a

dumela gore Morena o tla go thakgafatša, mohumagadi? Ge o ka kgona go dumela, dilo tšohle di a kgonega. A o a e dumela, mohumagadi, yo a lebeletšego tikologong kua? Go dumela ka... A o a e dumela, ka pelo ya gago yohle? Ee. O a e amogela? Go lokile. O ka kgona go ya le go dirwa go fola, Leineng la Morena Jesu.

¹⁶⁸ Monna a dutšego thwi *fa*, a rapela. O nyaka ke go botše se o se bolelago? "Morena, mphodiše go saenase yela." Go lokile. O a e dira, Leineng la Morena Jesu, ge o ka kgona go dumela.

¹⁶⁹ O a dumela Modimo o tla tloša bothata bja pelo go wena, o ka kgona go ba gabotse? [Ngwanešu o re, "Ee."—Mor.]

¹⁷⁰ O Morena, romela dikgaogelo tša Gago le maatla, gomme šegofatša monna yo wa go šokiša, Morena. Le go mo dira a welwe ke maruru, Leineng la Jesu Kriste, ke a e kgopela. Amene.

E dumele bjale. O se belaele. Dilo tšohle di a kgonega.

¹⁷¹ Atheraithisi ga se selo se sebe go Modimo go fodiša. A o a dumela gore O tla e dira?

¹⁷² O Morena, ke a rapela, gore, Leineng la Jesu, gore O tla romela Moya wa Gago godimo ga mosadi morategi yo le go mo dira a thakgafale. Gomme a nke a ye legaeng la gagwe, a hlalala, gomme a dirwe go fola. E sego go kamaka nthatana e tee, eupša go dumela gore go direga thwi bjale. Gomme o tla ba le se a se dumetšego. Re e kgopela Leineng la Jesu. Amene.

¹⁷³ A o dumela ka pelo ya gago yohle? O ka kgona go ba le se o se kgopelago, gona.

¹⁷⁴ Tsela morago, mošola, sekhutlong, fao go Morongwa wa Morena o eme morago kua, Seetša. Ge o ka kgona go dumela! Wena fao, e ka ba methaladi ye meraro ka lehlakoreng le la morago. Bokaonekaone bjo ke kgonago go bo bona go tloga mo, e ka ba motho wa bobedi ka go yena; yoo a rapelago morago fale, yoo a nago le bothata bja mala. A o dumela gore Modimo o tla go fodiša? Go lokile. O ka ba le se o se kgopelago.

¹⁷⁵ Bea diatla tša gago godimo ga monna yola kgauswi le wena fao. Ka gore, o a rapela, ka seemo sa go thansele. Ge o ka dumela ka pelo ya gago yohle, o ka ba le se o se kgopelago. Amene.

¹⁷⁶ A o a dumela? Morena Jesu, thwi go ya Gagwe... nako ye, a ka kgona go dira yo mongwe le yo mongwe wa lena go thakgafala ka go phethagala, ge le ka kgona go e dumela. A le a e dumela? Gona beang diatla tša lena go lena seng, feela motsotsso, gomme ke tla le bontšha letago la Morena.

¹⁷⁷ Bjale, e ka ba Ngwanešu Wood, goba Billy, yo motee, o nkgwatha mo mokokotlong, yeo ke tsebago e no ba e ka ba nako yeo ba ka se ntumelelego go ema botelele kudu, gobane maatla a ka a ile.

¹⁷⁸ Ke rile, feelsa nakwana ye nnyane ya go feta, ge Modimo a ka tla gomme a iponagatša Yenamong, ge A ka netefatša, ka boitemogelo, gore Yena ke Morena Modimo, gore O a swana maabane, lehono, le go ya go ile, gona o ka se be le lebaka le itšego go belaela; le bile ba ka se kgone, ka Molaetšeng wa ka bošegong bjo, ba bangwe ba bao gatee ba kilego ba bona Bogona bja Modimo. Filipi a ka belaela bjang? Nathaniele a ka belaela bjang? Mosadi a ka kgona bjang ka taba ya madi? O be a sa kgone go kamaka. O be a Mo kgwathile, gomme O be a utolotše go yena se a bego a se kgwatha.

¹⁷⁹ Le se ke la lebelela bogolo bja kereke goba se e bogegago boka sona. Le se ke la lebelela phuthego ye nnyane, ka gore bohole re batho ba go tlwaelega. Eupša nagana ka Morena wa go šegofala, Yo Bogona bja Gagwe bo lego fa, Yo a ipontšhago Yenamong go phela. O Mo dumela thwi bjale, gomme o ka kgona go ba le e ka ba eng o e kgopelago, le go dumela. Bjale A ka kgona go fodiša thwi mo go no swana. Bogona bja Gagwe... O šetše o fodištšwe. Go ne selo se tee feelsa go go thibela go e amogela, seo ke gosedumele. Tlogela seo, gonabjale. O se ke wa e dumela botelele bjo bo itšego; e lahle, gomme amogela Morena Jesu bjalo ka mofodiši wa gago. Šetša se se diregago. O tšwela ka ntle ga moago wo, o thakgetše, gobane o gonabjale ka Bogeneng bja Morena Jesu. E sego ka gobane o ka go tabarenekele ye, eupša ka gobane gore O tlide le go re etela. E sego ka gobane ke nna moreri, goba yo... goba Ngwanešu Neville, goba e ka ba ofe wa Bakriste ba bangwe ba, e sego bogona bja rena, eupša ke Bogona bja Gagwe. Ga bo palelwe. Ke Beibele. Ke Therešo. A go šegofatšwe Leina la Gagwe!

¹⁸⁰ Le ge Yena a re, “Ka nageng ya rena beng, magareng ga batho ba rena beng,” mogau o tlide ka godimo ga yona, bošegong bjo, ka baka la bokgauswi bja nako. Mafelelo a kgauswi. O tshepišitše gore ge dilo tše di thoma go direga, gore nako ya bofelo e be e batametše.

¹⁸¹ Le a e dumela bjale ge ke rapela. Beibele e rile, “Thapelo ye maatla ya tlhokofalo e dira kudu.” Kafao a re rapeleng, ge le rapelelana seng sa lena, ge le beana diatla seng sa lena.

¹⁸² Morena, Wena o bile lefelo la rena la bokhuto ka go moloko wo mongwe le wo mongwe. Wena o bile sebo sa rena. Re Go letile botelele. Kereke ye ya protestant e hlologetše botelele go bona letšatši le e ka kgonago go ema ka maoto a yona. Ge sehlopha se sennyane seo se kgoromeleditšwego thoko go lehlakore le letee, gobane ba ka se sepelelanelan le gosedumele ga basedumele ba ba ikgokaganyago bonabeng mmogo. Gomme ba dirile tlhohlo ya bona gore Mollo wola wo monnyane woo o thomilego go wa, mengwaga e se mekae ya go feta, mafelelong o tla ya ntle. Eupša, oo, re thabetše Mokapotene yo mogolo wa rena, Dafida, yo a emego magareng ga rena bošegong bjo, gomme a hlohla lenaba.

¹⁸³ O Morena Modimo, re tla rapela thapelo ye ya tumelo bakeng sa motho yo mongwe le yo mongwe mo. A nke ba tsebe, ka go yona nakwana ye, gore Bogona bja Gago bjo bogolo bo fa, go swiela godimo ga batheeletši bohle ba le go fodiša motho yo mongwe le yo mongwe. O Moya wo Mokgethwa wo mogolo, pelo ye nngwe le ye nngwe e ka no thanthshelwa ka nakwana ye, ge A ba kolobetša ka go Bogona bjo bogolo bja Moya wo Mokgethwa.

¹⁸⁴ Oo, Sathane, o fentšwe. Tšwela ka ntle ga lefelo le gomme o tšwe go batho. Leineng la Jesu Kriste, a nke motho yo mongwe le yo mongwe a fole.

¹⁸⁵ O Modimo wa Gosafelego le go šegofala, efa dilo tše ka Leina la Jesu Kriste.

¹⁸⁶ Motho yo mongwe le yo mongwe yoo a dumelago gore o fodile, ema ka maoto a gago gomme o fe Modimo tumišo. Ke a go leboga, gomme Morena Modimo a go šegofatše! Ngwanešu Neville.



TUMELO NST57-1229
(Faith)

Molaetša wo ka Ngwanešu William Marrion Branham, setlogong o abilwe ka Seisimane a Lamorena mantšiboa, Desemere 29, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org